

## هه ورامان كوگهن؟

هه ورامان ياكى بهر شيهى شهكەتى شهكەتا و مانيايى مانيكان .  
هه ورامان: سەردۆلەو رزقى كەرەم كەلاو ئاساي وئيش ، هەر پيسەو تاقگەكەو ديوەزناوى ( ديو  
يەسنا) وئيش مالۆ سينەو هەر تاش و تەوەنيوهرە تا فينكايى ياونۆ هەر تاسە باريوه .  
هه ورامان بە شنەو شەمالۆ شاهۆى مەشەرامو زەخمو كۆنەو مارانگازو دورى يارى دور كەوتەى  
كەرۆ ، دامنە دامنە ، بوژانە و گوڵە سوۆسەن ، چنور و سورە هەرالە ولى وەش بوى ، جە بەهەشتە  
هيچكو نەويهكەو هه ورامانينە ، وزۆ سەرو راو دلداراش .

هه ورامان سەوقاتى سەوقاتى ، هەنجير و هەنار و هەنگورى ، جە چەمە باخەكاو دەرژن و زۆم و  
پوار و هەجيجەنە مەنيۆ سەرو راو ريبوارى مانيايى ، تا قەراخو جو ئاوه خۆرەكاشەنە ، بە ئاوى  
چيى دهم و چەم و دللى فينك كەراوه و مانيايى و شهكەتيشان بە تەماشاو هۆر پرکى چلو  
وەنەوشە و پوينەى و هۆر مژتەى عەتريشان سيووه و بە ميوه بەهەشتيهكاش ناوەشى دورى  
سارپيش كەران .

هه ورامان سەرو وئيش چەماوچەم ، دۆلاودۆل ، خراوخر ، كەويىل ئەو كەويىل ، زيارەتو ههوارگەو  
خالخاسان كەرۆ ، سەرو رايىنە چكو سايو دللى دلشان بە ديمەنە وير نەشياكا سپەردەن ، بارگە  
وزۆ ، ئيتەر ئانە عەوالان بو يان كوۆسالان ، زاوەلى ، تەتە ، رينگەناو ، ماكوان ، هانەساو ، هانيە ،  
نالەما ، سيلكەوان ، مەيگا ، پيازدۆل ، مەسناو (مەزد يەسنا) ، هەر يو بان چ باك ، وەرکەمەر ،  
بەرزەلنگ و بوژانە پايەندازو رايىشانەن .

هه ورامان گيلنۆتاو پەى دورى دورى ، ئا وەختە گوۆو ژيوى چەكەرەو وئيش چەنى تەوەنە ، رەق ،  
بەلام وەشەسيكا ئى كەشو كوۆيه وەشەويىسيان پيوهرە لكە دا ، وەشەويىسى ئى خاكىه ريشەش  
ئاستەرە ، ئازيزى ديمەنە تاقانەكەيش سەرو تەوەن نماو هەر حەوز هاناويويەنە تيگەلاويش  
ئاميتەو ديا و رەمو كوۆر و كناچە تازە پەنەياواكا بى .  
سيا چەمانە واتەى و نما وەنەى بە شوكرانەو ئى نەمەتية كەمەراو كەمەر ژيوى پاك و بى  
گەردش چرى :

خەير ئاماي وە خەير ئەى بەر گوۆزیدە

بو نە جاي مەردم جاگير نە ديدە

مەولەوى

سديق بابايى

هامنو 2001